



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

Oratio Pro beneplacito Dei perficiendo.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

O R A T I O

Pro beneplacito DEI perficiendo.

3. **C**ONcede mihi, benignissime Jesu, gratiam tuam, ut mecum sit, mecum laboret, mecum usque in finem perseveret.

Da mihi hoc semper desiderare & velle quod tibi magis acceptum est, & chariùs placet.

Tua voluntas mea sit: & mea voluntas tuam semper sequatur, & optimè ei concordet.

Sit mihi unum velle & nolle tecum: nec aliud posse velle aut nolle, nisi quod tu vis & nolis.

4. Da mihi omnibus mori, quæ in mundo sunt: & propter te amare contemni, & nesciri in hoc sæculo.

Da mihi super omnia desiderata in te requiescere, & cor meum in te pacificare.

Tu vera pax cordis, tu sola requies: extra te dura sunt omnia & inquietata. In hac pace in idipsum, hoc

est, in te uno summo æterno bono,
dormiam & requiescam. Amen.

C A P U T X V I.

*Quòd verum solatium in solo Deo
est quærendum.*

1. **Q**uidquid desiderare possum,
vel cogitare ad solatium
meum, non hic expecto, sed in po-
sterum.

Quòd si omnia solatia mundi so-
lus haberem, & omnibus deliciis
frui possem, certum est, quòd diu
durare non possent.

Unde non poteris, anima mea,
plenè consolari, nec perfectè recrea-
ri, nisi in Deo consolatore paupe-
rum, ac susceptore humilium.

Expecta modicum, anima mea,
expecta divinum promissum, & ha-
bebis abundantiam omnium bono-
rum in cælo.

Si nimis inordinatè ista appetis
præsentia, perdes æterna & cæ-
lestia.

Sint